

Vischnaunca politica Andiaast

Radunonza communal dils 31 d'october 2014

Presents: Suprastonza communal e 9 vischinas e vischins
Perstgisas: Gierina Blumenthal, Imelda Vincenz e Guido Sgier

1. Beinvegni ed elecziun dils dumbravuschs

President communal Sievi Sgier fa in cordial beinvegni tier las fatschentas publicadas. Sco dumbravuschs vegn Priska Capaul proponida ed elegida unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dils 19 da settember 2014

Il protocol dalla davosa radunonza communal dils 19 da settember 2014 vegn prelegius ed approbaus unanimamein.

3. Elecziuns communalas per la perioda d'uffeci 2015-2016

Il president communal, Sievi Sgier fa ina cuorta introducziun pertuccont las elecziuns ch'ei da far questa sera. La suprastonza communal ha survegniu las suandontas abdicaziuns:

Suprastonza communal:

Alfred Schlosser

Christian Spescha

Suppleants dalla suprastonza communal

Leo Blumenthal

Cumissiun da gestiun

Priska Capaul

Ei vegn pretendiu negin scrutini.

Elecziun dil president communal

Obteniu vuschs ed elegius ei:	Sievi Sgier	elegius unanimamein
-------------------------------	-------------	---------------------

Tier l'elecziun da dus novs commembers dalla suprastonza communal dat ei buc bia propostas. Cun quei che Orlando Vincenz ei gia suppleant dalla suprastonza communal vegn fatg la proposta da proponi el sco suprastont communal. Per il secund post ella suprastonza communal vegn Beat Meier proponius.

Elecziun dalla suprastonza communal

Obteniu vuschs ed elegi ein:	Serafin Spescha	elegius unanimamein
	Conrad Cabalzar	elegius unanimamein
	Orlando Vincenz	elegius unanimamein
	Beat Meier	elegius unanimamein

Ord il motiv che Orlando Vincenz e Beat Meier ein buc presents alla radunonza communal sto vegnir sclariu giu sch'els acceptan l'elecziun.

Elecziun cumissiun da gestiun

Rolf Sgier ei sedeclarus prompts da surprender il post vacant ella cumissiun da gestiun. Guido Sgier ed Imelda Vincenz stattan per ina ulteriura perioda d'uffeci a disposiziun.

Obteniu vuschs ed elegi ein:	Imelda Vincenz	elegida unanimamein
	Guido Sgier	elegius unanimamein
	Rolf Sgier	elegius unanimamein

Elecziun dalla cumissiun da baghegiar

Tier la cumissiun da baghegiar ha ei dau neginas abdicaziun. Aschia che Ignaz Alig ed Arno Capaul stattan per ina ulteriura perioda d'uffeci a disposiziun. Serafin Spescha ei sco commember dalla suprastonza communal gia tschentaus.

Obteniu vuschs ed elegi ein	Ignaz Alig	elegius unanimamein
	Arno Capaul	elegius unanimamein

Elecziun suppleant da suprastonza communal

El mument dat ei negina elecziun per in suppleant da suprastonza cunquei ch'ei seigi da spitgar giu sche Orlando Vincenz accepta sia elecziun sco suprastont communal.

4. Varia

Sievi Sgier persenta ils cuosts per l'erecziun dil plaz da giug avon scola. Ils cuosts totals per quei project ein stai frs. 22'318.45 da quei han sponsurs ed il cantun susteniu cun frs. 15'000.00. Aschia che la vischnaunca d'Andiast ha aunc giu cuosts da total frs. 7'318.45.

Il president dat aunc ina cuorta survesta davart las suandontas fatschentas actualas.

- Survesta da cuosts vias da quartier
- Survesta da cuosts cazzolas da via
- Nums da vias
- Vias da funs
- Colligiazion cun aquaduct da Vuorz

Finiziun dalla radunonza allas 20:50.

Andiast, ils 31 d'october 2014

Il president:

L'actuara:

Sievi Sgier

Silvia Calzaferri